

指揮分方備禦各有攸司海上諸山分別三界黃

牛山

在慈谿縣北大海中與海鹽縣海洋爲界

馬墓長塗冊子金塘大

榭蘭秀劍山雙嶼雙塘六橫韭山壇頭等山爲上

界灘山澣山羊山馬蹟兩頭洞漁山三姑霍山徐

公黃澤大小衢大佛頭等山爲中界花惱求芝絡

華彈丸東庫陳錢壁下等山爲下界率皆潮汐所

通倭夷貢寇必由之道也前哲謂防陸莫先於防

海沿邊衛所置造戰船以定臨觀三衛九屬所計

之五百料

止定海港一隻

四百料二百料尖舢等船一百